



Undredal Grendalag

Saksbehandlar Anbjørg Nornes

Vår ref. 2022/5350-0

Dykkar ref.

Dato 08.04.2022

Delegert vedtak

Delegasjonssak	6/2022
----------------	--------

Dispensasjon - Delegert vedtak - Nærøyfjorden landskapsvernområde - Stokko - bygging av klopp over Beinsnesgrovi

Delegert vedtak

*I medhald av delegeringsreglement vedteke av Nærøyfjorden verneområdestyre
30.11.2015, vert det gjort fylgjande vedtak:*

Nærøyfjorden verneområdestyre gjev Undredal grendalag løyve til å sette opp ny klopp over Beinsnesgrovi ved Stokko i Nærøyfjorden landskapsvernområde. Løyve er gjeve med heimel i verneforskrifta for Nærøyfjorden landskapsvernområde § 3 punkt 1.3 f).

Løyve gjeld med fylgjande vilkår:

- Brukara skal murast med stein frå området. Det kan plukkast lause steinar frå elveløpet.
- Brukara skal ha ei høgde på inntil 1 meter. Det skal leggjast to treplankar på inntil 3,8 meter på brukara som klopp over elva. Plankane kan festast med jernboltar i brukara.
- Kloppa skal byggast der stien kryssar Beinsnesgrovi, og der det har vore ei enkel klopp tidlegare.
- Det kan setjast opp enkelt rekkverk av tau på kloppa for å gjera ferdselen tryggare.
- Materiale som ikkje vert nytta til kloppa, utstyr og ev restar av den gamle brua skal transporterast ut av området straks arbeidet er slutført, og seinast innan 31.12.2022.
- Grendalaget er eigar av kloppa og har ansvar for tilsyn og vedlikehald av kloppa.
- Det skal sendast rapport etter fullført tilrettelegging av heile stien.

Vi gjer merksam på at dette løyvet berre gjeld tilhøvet etter verneforskrifta. Det må i tillegg søkjast om løyve frå Aurland kommune.

Dokument i saka


- Søknad om oppsetting av klopp over Beinsnesao, *Undredal Grendalag*, 28.03.2022
- Skisse av klopp



- Dispensasjon – Nærøyfjorden landskapsvernområde – opprusting av sti Undredal – Stokko – Undredal grendalag. Saksprotokoll 63/21 – 27.09.2021

Søknaden

Undredal grendalag har sett i gang arbeid med skjøtsel av stien mellom Undredal og Stokko. Like før Stokko kryssar stien Beinsnesgrovi. Det har samla seg stein og massar i elveløpet. Grendalaget søker om å få reinse opp i elveløpet, og sette opp ei klobb over Beinsnesgrovi, slik at folk kan koma seg trygt over grovi. Stien er mykje brukt i heile barmarksesongen.



Kopi av skisse vedlagt søknaden



Stein og grus i elveløpet i Beinsnesgrovi, ved stikryssing. Foto Undredal grendelag

Søknaden er vurdert i samsvar med

- Forskrift om vern av Nærøyfjorden landskapsvernområde av 08.11.2002.
- Naturmangfaldlova av 19.06.2009
- Forvaltningsplan for Vestnorsk fjordlandskap – delområde Nærøyfjorden, rapport nr. 1 - 2008

Verneforskrift og verneformål

«Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av plante- og dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter» jf. verneforskrifta § 2. Området er verna mot alle inngrep eller tiltak som kan endre eller verke inn på landskapets art eller karakter. Verneområdestyret kan gje løyve til nybygging av bruer og klopper jf. verneforskrifta § 3 punkt 1.3 f).

Etter naturmangfaldlova (nml) § 7 skal prinsippa i §§ 8 – 12 leggjast til grunn ved utøving av offentlig mynde, og det skal koma fram av vedtaket korleis prinsippa er vurderte og vektlagt i saka.



Vurdering

Nærøfjorden verneområdestyre gav løyve til opprusting av stien mellom Undredal og Stokko i sak 63/21. Klopp over Beinsnesgrovi var eit av tiltaka det vart gitt løyve til. Undredal grendalag har sett i gang arbeidet med opprusting av stien, og har leigd Skjerdal landskapspleie til å gjennomføra tiltaka. Grendalaget i samråd med Skjerdal landskapspleie har vurdert det er bruk for å utbetre kloppa over Beinsnesgrovi ved å bygge brukar på begge sider av elveløpet. På bakgrunn av at tiltaka på stien er behandla av verneområdestyret i tidlegare sak, er det vurdert at utviding av tiltaka med kloppa over Beinsnesgrovi kan behandlast som delegert sak.

Det er positivt for besøkjande at stien til Stokko blir betre tilrettelagt, og klopp over Beinsnesgrovi gjer det tryggare og lettare å krysse elva i rengversperiodar. Betre tilrettelegging vil gjera til at fleire får oppleve eit viktig kulturlandskap med fleire flotte kulturminne.

Kunnskapen om området er vurdert i sak 63/2:

«Kunnskapen om området er god, då det har vore mange synfaringar i området knytt til både stien og skjøtsel av kulturlandskapet. Det er også utarbeida skjøtelsplan og rapportar om slåttemarkene og om bloddråpesvermarane som lever her. Stien går gjennom fleire viktige slåttemarkar og ei lauveng. Fleire av desse er regionalt og nasjonalt viktige, spesielt fordi dei er habitat til den trua sommarfuglen stor bloddråpesvermer, som berre finnes eit fåtal plassar i landet. Tiltaka som blir søkt om på stien er ikkje veldig store. Fleire går på sikring over svaberg, rydding av betre sti gjennom ur, enkle steintrinn og stikkveiter for å leie vatn vekk frå stien. Dette vil ikkje påverke slåttemarkene eller sommarfuglane som lever der. Ved Tjorobben skal stien flyttast nedom innmarka, noko som sannsynlegvis vil vere positivt for habitatet til bloddråpesvermarane. Ein kan tenke seg at auka ferdsel vil kunne forstyrre sommarfuglane, men samtidig er det positivt med ein meir markert og tydeleg sti som er lett å gå, sidan det då er større sjanse for at folk held seg på stien. Forvaltar har heller ikkje inntrykk av at sommarfuglen er spesielt sky, og auka ferdsel i den storleiken det er tale om her er ikkje forventa å skremme den vekk frå leveområdet. Kunnskapsgrunnlaget jf. nml. § 8 er vurdert som godt i denne saka, og føre-var-prinsippet jf. nml. § 9 er difor ikkje tillagt vekt i saka.»

Stien til Stokko er allereie brukt av mange, og meir bruk er ikkje venta å gje vesentleg auka belastning på området jf. nml. § 10. I besøksstrategien for Nærøfjordområdet er denne stien valt ut som eit område som kan tilretteleggjast for enkelt friluftsliv. Styring av ferdselen på stien vil vere positivt ved at det kan bli mindre trakk og nye stiar gjennom kulturlandskapet med urterike slåtteenger. På Stokko er det tilrettelagt med utedo og teltplass.

Beinsnesgrovi er ei lita elv som vanlegvis har liten vassføring. I peridoar med stor nedbør aukar vassføringa, og elva fører med seg stein og grus. Over Beinsnesgrovi har det tidlegare vore lagt ein plank som enkel klopp. Denne har blitt flytta på når det er stor vassføring i elva, og planken har ført til at steinmassar har hopa seg opp i elveløpet. Ved å bygge brukar av stein på begge sider av elveløpet, vil kloppa koma ca. 1 meter over elvebotn. Dette vil gje god klaring under kloppa, og det vert mindre fare for opphopping av stein og grus. Brukara skal byggast for hand av stein i nærområdet. Dei to treplankane skal festast med jernboltar i brukara.



Grendalaget må ha jamleg tilsyn med kloppa, og rydde unna steinar som kjem med elva ved stor vassføring. Planlagt klopp er vurdert som forbetring ut frå dagens klopp, og forvaltar vurderer tiltaket som eit godt miljøtilpassa tiltak jf. nml. § 12. Tiltaket vil gje lite inngrep i landskapet, og vil i liten grad gje skade på verneverdiane. Tiltaket vil lite truleg føre til miljøforringing og nml. § 11 er difor ikkje vurdert i denne saka.

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Anbjørg Nornes
verneområdeforvaltar

Dokumentet er elektronisk godkjent

Kopi til:

Statsforvaltaren i Vestland
SNO Aurland
Aurland kommune

Njøsavegen 2

Vangen 1

6863

5745

LEIKANGER

AURLAND